

مجموعه ابو الخیر

ماسوا شایسته شدن دلی تطبیقه پمالش
بر تو حکمت و عرفان الیه توره الش

علوم و معارف دین بحث ایدر. و هر ماه عربی استداسیه اون بشنده نشر اول نور مجموع عدد ر.

عدد ۲۸ - جلد ۳ [۱۵ صفر سنه ۱۳۰۰] نسخه سی ۳ غروش

۱۸۱۲ سنه میلادیه سنه مصادف اولان ۱۲۲۸ سنه هجریه سنه
طونه نهری فوق العاده فیضان ایدره ک دروننده بولنان آطه لدن برنده
اقامت ایدن ۲۵۰۰ نفر عثمانلی بی غرق ایتشد .
۱۸۴۵ سنه سنه لوآر نهری طغیان ایتکله برخیلی قرا صو آلتنده
قلمش و برچوق نفوس و حیوانات تلف اولمشدر .
۱۸۵۵ ده قریم محاربه سی اثناسنده رون ورن وغارون نهرلی
طاشمقله فرانسه ده خیلی تخریباته سبب اولمشدر .
۱۸۷۹ سنه سنه محارستانده واقع سکه دین وینه سنه مذکورده ده
اسپانیاده واقع مرسیه شهرلی صو باصهرق برچوق تخریبات اجرا
و برچوق نفوسی غرق و افنا ایتشد .
اسپانیاده هر سنه طغیان میاهدن برچوق ضرر کورلمکده در .
کدران ایدن ۱۸۸۲ سنه سنه یعنی بوندن برقاچ ماه مقدم ایتالیا ک
وندیک ایالتنده دخی فوق العاده طغیان میاه وقوع بولش و بوجهتله پک
چوق محصولات و حیوانات محو و تباه اولمشدر .

هرشیدن برنیده

بعض ذوات مشهوره نک بالتر جمیع
ایچد کلری شرابلر

بیوک فره دریق (طوقاس) دنیلان محار شرابی هر شرابه ترجیح
ودائما آنی نوش ایدردی .
بیوک ناپولیون هر شرابه (شامبرتن) شرابی مرجح طوناردی .
بیوک پترو (مادر) شرابی سوردی .

قاردینال ریشلیو (رومانه) شرابی ایچردی .
 مارشال ریشلیو هر شرابدن زیاده (مه دوق) شرابندن خوشلانیردی .
 مشاهیر مصوریندن هولاندهلی روبنس (مارسالا) شرابی هپسندن
 انفس عید ایدردی .

مارشال دوساقس (شامپانیا) شرابله سرمست اولوردی .
 قروموهل (مارلوازی) دنیلان شرابدن بشقه شراب ایچمزدی .
 مشهور (طالیران) (شاطومارغو) شرابی قوللانیردی .

آلمان فیلسوفلرندن مشهور هومبولد (سوترن) فرانسه مشاهیر
 حکایه نویسندن بالزاق (پورتو) و آلمانیا ایمپراطوری مشهور شارلکن
 (آلیقانت) سلطان سلیمانک محبسی برنجی فرانسوا (کمرس) و فرانسه
 قرالردن دردنجی هانری (سورس) شرابی ترجیح واستعمال ایدرلایدی .

ثقلت کواکبه دائر بر حساب غریب

کواکبدن برینک ثقلتی تعیین ایتک ممتمنعاندن ظن واعتقاد اولمش
 ایسه ده ۱۸۷۶ سنه سنده پارس انجمن دانشنده وقوع بولان بر اجتماعده
 مشاهیر ارباب هیئتندن (قامیل فلاماریون) نظر عادی ایله بک آز رؤیت
 اولنه بیلان و او فنبشوس برجنده بولانان کوچوک بریلدیزک ثقلته واحوال
 سائر سنه دائر اجرا ایتدیکی حساباتک نتیجه سنی انجمنک معرض تدقیقنه
 عرض ایتشد .

مومی الیهک حسابنه نظراً کوکب مجوئک ثقلتی شمعدن ۳ و کره
 ارضدن بر میلیون دفعه دها عظیم اوله رق کره مزه اولان بعدی ایسه
 ۵۴ بیک میلیارد میلدن عبارتمش . کره دن آتلدیغی حالده شمسه واصل
 اولق ایچون آلتی سنه صرفنه محتاج اولان بر کولله بو کوکب ایله کره

ارض آرسنده کی مسافه بی قطع ایچون ۸ میلیون ۴۰۰ بیک سنه
سیر وحر کته محتاج ایمش!

مختلف لسانلرده الفباء حروفنك مقداری

السنه	عدد حروف
آلمانیجهده	۲۶
انگلیزجهده	۲۶
اسپانیولجهده	۲۷
ایتالیانجهده	۲۵
ترکجهده	۳۲
چینجهده	۲۱۴
روس لساننده	۳۶
رومجهده	۲۴
ارمنیجهده	۳۹
ژاپون لساننده	۷۶
سانسقریت لساننده	۴۴
عبرانیده	۲۲
عربیجهده	۲۸
فارسیده	۳۱
فرانسزجهده	۲۵
لاتینجهده	۲۰

اوروپاده الك یوكسك قلهلر

اوروپاده الك مرتفع قله آوستریاده كائن (اولم) شهرنده کی چاگن
 قله سیدرکه ارتفاعی ۴۵۲ یارس قدیمی در . آندن صگره استرازبورغ
 مناسترینک قله سیدرکه ۴۴۰ قدم ارتفاعنده در . ویانهک سن استفان
 قله سی ۴۱۵ وروماده سن پترو کلیساسنک قله سی ۴۰۵ قدم ارتفاعنده
 اولهرق آنلردن صگره آئیده کی قلهلر کلیر :

ارتفاعلری - یارس قدیمی

اسامی قلل

۳۶۱	فلورانسده بیوک کلیسانک قله سی
۳۲۶	لوندرده سن پول کلیساسنک قله سی
۳۰۸	وندیکده سن مارق کلیساسنک قله سی
۲۸۶	برلینده ماری کلیساسنک قله سی
۲۲۵	پارسدن نوردام کلیساسنک قله سی

قیرلانغچک سرعت طیرانی

بلچیقناک (آنوه رس) شهرنده اصحاب تجربه دن بر ذات اوینک
 صیغاننده یووا یامش اولان بر قیرلانغچک طوته رق آیاغنه بر قوردلا
 باغلادقین صگره اوشاغنه تسلیم ایله (غاند) قصبه سنه کوتوروب
 تعیین ایلدیکی بر ساعتده صالیورمسنی تنبیه و اوشاغنه عیارینه امنیت
 ایلدیکی برده ساعت اعطا ایلر .

اوشاق (غاند) ه وصولیه میقات مقررده قیرلانغچک صالیورر .
 وقوش ۱۲ دقیقه صگره یوواسنه واصل اولور که ایدیلان حسابنه نظراً
 دقیقه ده ۵ کیلومتره یول آلمش اولور .

بناءً عليه قيرلانفجك دقیقه ده قطع ایتدیکی بش کیلومتروی ۶۰
عددیله ضرب ایلده جك اولور سه ق ساعته ده ۳۰۰ کیلومترو مسافه
آلاجنی ظاهر اولور . بو حالده قيرلانفجك سرعتی صوك قوتيله کیدن
برشومندوفر قطاری سرعتك درت مثلی بولنور . زیرا الك سریع
ومثلا لوندره ویا آمریقانك پوسته قطارلری ساعته ده ۷۵ میلدن زیاده
بول آلامزلر .

خواص عجیبه ارقام

خاصه لری انسانك تعجینی موجب اولان ارقام آره سنده ۳۷ رقی
الك زیاده شایان دقتدر . عدد مجوئك غریب بر خاصه سی واردر که
کندیسی [۳] عددیله ویا خود [۳] عددینك دیگر بر عددیله ضربندن متحصل
مقدار ایله ضرب ایدیله جك اولور سه حاصل ضربك احاد وعشرات
ومات خانهلرنده بولنان ارقامی یکدیگرینك عینی اوله رق ظهور ایدر .
مثال :

۳	کره	۳۷	=	۱۱۱
۶	کره	۳۷	=	۲۲۲
۹	کره	۳۷	=	۳۳۳
۱۲	کره	۳۷	=	۴۴۴
۱۵	کره	۳۷	=	۵۵۵
۱۸	کره	۳۷	=	۶۶۶
۲۱	کره	۳۷	=	۷۷۷
۲۴	کره	۳۷	=	۸۸۸
۲۷	کره	۳۷	=	۹۹۹

دیگر: ثلثه ثلثه ثلثه

۱۴۲،۸۵۷ عددی ۳۲۶،۴۵۱ عددیله ضرب ایدلد کده صورت
مخصوصه آتیه ظهور ایدر که بربرینک آتنده بر حذاده اولان رقلر
یکدیگرینک عینی درلر.

$$\begin{array}{r}
 ۱۴۲۸۵۷ \\
 ۳۲۶۴۵۱ \\
 \hline
 ۱۴۲۸۵۷ \\
 ۷۱۴۲۸۵ \\
 ۵۷۱۴۲۸ \\
 ۸۵۷۱۴۲ \\
 ۲۸۵۷۱۴ \\
 \hline
 ۴۲۸۵۷۱ \\
 ۴۶۶۳۵۸۱۰۵۰۷
 \end{array}$$

ایشته کوریلایور که بشلر، سکزلر، ایکیلر، درتلر، برلر، بدیلر، کذا
بشلر، وسکزلر، وایکیر عمودا بربرینک آتنه تصادف ایتشدیر.

مثال دیگر

$$\begin{array}{r}
 ۷۶۹۲۳ \\
 ۳۴۱ \\
 \hline
 ۷۶۹۲۳ \\
 ۳۰۷۶۹۲ \\
 ۲۳۰۷۶۹ \\
 \hline
 ۲۶۶۳۰۷۴۳
 \end{array}$$

فرائضدن بر مسئله

مر ویدر که بر آدم حین وفاتنده بیوک اوغلی نصفنی واور تانجه سی
ثلثنی وکوچو کی تسعنی آلق اوزره دوهلرینک اوچ اوغلی پیننده تقسیمنی
وصیت ایلر. پدرلرینک وفاتنده بر موجب وصیت اوچ قرداش موجود
اولان اون یدی دوهینی پایلا شمیق ایستدکلرنده بردرلو تقسیم قبول ایتمامکله

کیفیتی خلیفه وقت اولان حضرت عمره عرض ایدرلر . فاروق مشارالیه
 حضرتلری مجبول اولدقلری فضانت مشکلات براندازانه ایله حکم
 وصیتی بروجیه آتی اجرا ایلر : شوایله که درحال بیت المالدن بردوه
 کتیره ترک موجود اولان دوهلری اون سکره ابلاغ ایدر . بناء علیه نصفی
 اولان ۹ دوه بی بر موجب وصیت پیوک برادره وثلثی اولان ۶ دوه بی
 اورتابجه قرداشه و تسعی اولان ۲ دوه بی دخی اک کوچکرینه اعطا ایله
 بیت المالك دوه سنی اعاده ایلر . معلومدرکه ۹ و ۶ و ۲ تک حاصل جمعی
 ۱۷ ایدر .

مسئله مجوئه تک بوجوهله حلنده اشتباه ایدنلر حساب ییلانلره
 مراجعتله دفع اشکال ایده ییلرلر .

تکالیف افراد ملل

حکومات مختلفه ده بر آدمک سنوی نه مقدار ویرکو ایله مکلف
 اولدیغنه دائر بر حساب تقریبیدر .

اسامی ملل	فرانق
» بر آمریقالی	۵۹
» فرانسز	۱۰۷
» انگلیز	۵۸
» ایتالیان	۵۶
» هولاندهلی	۵۵
» آلمان	۵۴
» بلجیقالی	۴۶
» آوستریالی	۴۴
» روس	۳۶
» اسپانیول	۳۳

اقوام مذکوره میانده الك زیاده تکالیفه دوچار اولان ملت
فرانسزلر ایسه ده ثروت ملیه همان عمومی دینه جک درجه درده افرادہ تعم
ایتمش اولمسنندن مثلاً الك زنکین اولوق لازم کلان آمریقا وانکلتره
خلقنک مکلف اولدقلری مبالغه ایکی مثنی اعطا ایلدکاری حالده قزانج
خصوصنده دخی مال سارده دن اونسبتده بختیار اولدقلری وارسته
اشباهدر .

الك آز ویرکو ویرن خلق دخی ایسویچره لیلردر که هر فردہ سنوی
۴۰ غروش قدر اصابت ایتکده در .

بعض ما کولاتک قوه غدائیه لری

الك صکره اجرا ایدیلان تخیلاتدن آکلاشلدیغنه نظراً بعض
ما کولاتک قوه غدائیه لری نسبت آتیہ اوزره در .

نه سمیر ونه ده ضعیف اولان صغیر آتینک قوه غدائیه سی ۱۰۰
اعتبار اولنمش اولدیغندن ما کولات سارده نک کثرت ویاقلت غدائیه لری
لم مذکوره نسبتله تعیین اولمشدر .

صغیر آتی	»	»	۱۰۰
قویون آتی	»	»	۸۶
طنا آتی	»	»	۹۲
صغیر باصیدر مه سی	»	»	۱۴۶
قاراجه قیلندن اولان آواتلری	»	»	۸۸
طاوق آتی	»	»	۹۳
اوردک آتی	»	»	۱۰۴
تازه یورطه	»	»	۷۲

سود « » « ۲۳ فاضل علیه السلام
 قایمباق « » « ۵۶ فی الجمله
 تره یاغی « » « ۱۴۲ فی الجمله
 پینز « » « ۱۵۱ فی الجمله
 برضلاته ترقی

اسپانیولر دیرلر که کوزل برضلاته یامق ایچون ۴ کشی به لزوم
 وارد :

طوزینی برعالمه ویاخود برحاکم عادلله اکدیرمه لی، یاغنی بر مسرفه
 کزدیرتمه لی، سرکه سنی برخسیسه قویدیرمه لی در؛ نهایت آلتنی اوستنه
 چو یروب ایسته دیکي کبی فارشدیرمه سیچون بردی به تسلیم ایدلمه لیدر.

فلنکایلرک برعادتق

فلنکک هارلم وانقوزن شهرلرنده برخانه ده ولادت وقوعنده
 سوقاق قیوسنه (نسواک ایکنه صابلامقده قوللاندقلری یوماق قدر)
 اوفاق وجانفسدن معمول بر یصدیق تعلیق ایدرلر . مولود ارکک ایسه
 یصدیغک لونی قرمرزی وقیر ایسه بیاض اولور .

مکارم اخلاق و افعال جوانمردانه یه متعلق امثال تاریخیه

مظفر

فرانسه قرالردن اون ایکنجی لونی [انبارل] ده ابتدکی محاربه ده

مظهر غلبه و مظفریت اولدقدن صکره حضورینه فرانسر عسکری الله
اسیر دوشمش اولان وندیکی مشهور جنرال (بارتولومئوس لالوبان) ی
کثیررر. لوئی جنرالک فلا کتندن متأثر اولسندن مومی الهه روی تلطف
اظهار ایلدکده جنرالک بوتلطیفه ممنونیتله مقابله ایده جک یرده بالعکس
اظهار حدت ونخوت ایلدیکنی کورونجه مشار الیه کنندی کندینه «دها
ایسی آنی صالیورمکدر. بلکه حدت وغضبه تبعیتله بالآخره نادم اوله جق
برحر کتده بولنه بیلیرم. کندیسنه غلبه ایتدم. بناءً علیه شمیدده کنندی
نفسه غلبه ایتدلیم.» دهرک جنرالک سبیلنی تخلیه ایلشدر.

«مظفر وقت فرصته عدودن انتقام آلمز»

«مروتند اولان ناکامی دشمنله کام آلمز»

[راغب پاشا]

دیگر

وطنپرور برجنوهلی

صاووآ دوقه سی ایله جنوه لیلر پیننده وقوع بولان برمحاربه شدید
اثناسنده جنوه اهالیسندن [په قولات] اسمنده برذات صاووآ لیلر الله
اسیر دوشر.
صاووآ لیلر مر قومدن وطننه دائر بعض معلومات مهمه اخذ ایتک
ایچون استعمال ایتدکاری خپله ودسیسه وایتدکاری اذا واشکنجه قالدیغی
حالده په قولاتک آغزندن برشی آلمغه موفق اوله امامه لری اوزرینه مومی -
الیهک هر نوع اضطرابه تحمل ایچون وجودنده مطمئن برقیل بولندیغنه
ذهاب وحکم ایتدلیله بو طلمی بوزمق اوزره وجودینک هر طرفنی
تراش ایتکه قرار ویررر. تمامدر بو عملیاته تشبث ایدیله جکی صروده
په قولات جان آجیسیله آغزندن برسوز قاچیره بیلک احتمالی دخی برطرف

ایتمک ایچون بربرک النده کی اوستره یی قایدیغی کبی دیلنی کسوب دشمنلرینک
 صورتیه آتی ویرر .
 صاووآلیلر مومی الیهک محضاً سلامت وطنی یولنده ابراز ایتدیکی
 متانت وجوانگردانه حرکته حیران و شاخوان اوله رق سسبیلنی تخلیه
 و کندیسنی انواع تلطیفات و ساپاش ایله وطنه اعاده ایتشلردر .

بعض حاضر جوابلر

اسپانیا قرالی دردنچی فیلیپ طرفندن سفارتله لوندره یه اعزام اولنان
 روبنس که (اقول فلامان) دنیلان طرز رسامانهک مؤسسلرندن معدوددر .
 لوندره ده بولسدیغی ائشاده برکون موزه یه کیده رک و ندیکلی مشهور
 (تیتسیانو) نک [وهنوس] یعنی زهره نامنده کی تصویرینی قویه ایتمکله
 مشغول اولدیغی صره ده قرالک قرناسندن واصلزاد کاندن بری روبنسک
 یانته تقرب و رسم یامقده کی اقتدارینه تعجب ایله — سفیر حضرتلری بعض
 کره رسم یامقده ده اکلنیرلرمی ؟ — سؤالی ایراد ایلدیکنده روبنس بلا
 تأمل — خیر ! رسام حضرتلری بعض کره سفارت ایله اکلنیرلر ! —
 جوابی ویرمشدر .

فرانسه قرالی اون دردنچی لوتی انشاد ایلدیکی بر منظومه یی شاعر
 مشهور (بوآلو) یه ارائه ایله نصل بولدیغی سؤال ایلدکده شاعر شو
 جوابی ویرمشدر :
 — افندمز ایچون هر محال ممکن منزله سنده در . قافیه سز ، وزن سز
 بر منظومه وجوده کتیرمک مراد بیورمشسکز . حقیقه مراد بیوردیغکنز
 شیه مکمل صورتیه موفق اولمشسکز .

فرانسه هزاردازان شعراسندن مشهور پیرون (اعتقادات
خستیانیه کوره) (صلب عیسا) یورطینده سرمستانه سوقاقلری کزدیکی
صره ده پاپاسک بری کندینسه تقریبه بویله «بروم محترمه یادیغک ایشی پیلور-
میسک؟» دبه سرخوشلغنه اعتراض و عتاب ایلدکده پیرون دخی جواباً-
نه پیام افندمز! الوهیتک صلب اولندیغی کون انسانیت صالانیر! دیمشدر.

بعض مشاهیره منسوب اقوال

اون بدنجی عصرده شهرت بولان فرانسر ادیبلرندن مادام دو
سوینیه «ثانیلی ساعتلردن هیچ خوشلانام؛ زیرا عمری پک قیصه
طوغرارلر.» دیر ایش.

عصر حاضر اوائلنده وفات ایدن مؤرخین شعرادن سروری
مرحوم دخی «رفاصلی ساعتلری هیچ سوم؛ زیرا رقصیله عمرمک هر آنی
ایچنه اوینادیغی کورورم.» دیر مش.

پروسیا قرالی ایکنجی فره دریق که «بوک فره دریق» عنوان
استحقاقیسیله بنامدر. شوسوزی وردزبان ایش ایدی.
«اگر فرانسه به حکمدار اولمش اولسیدم؛ بندن اذنسر اوروپاده
برطوب پانلامز ایدی.»

انکلتره قرالچهمسی و یقتوریا قریم محاربه سنک اعلانی صره سنده متوفی
پروسیا قرالنه یازدیغی جوابنامه ده «روسیه نك نیاتنی منع ایچون دیلوماتلرک
صرف ابتدکی مرکب برایکنجی بحرسیه تشکیلنه کافی ایدی.» دیمشدر.